



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 64. An nunquam sit mortale inducere aliquem ad veniale.

**urn:nbn:de:hbz:466:1-42634**

bitur, sicuti peccares & tenereris restituere, si ini-  
duceres furem ad furandum alicui, quamvis nul-  
lam in particulari personā ei determinares, à qua  
furaretur: & hæc sententia videtur probabilior,  
quæ tamen contra alias afferuntur, solvunt Au-  
ctores locis citatis, speciatim *Mol. de Just. t. 2. t. 2.*  
*d. 355. & Carden. à n. 152.*

231 §. 7. Contra omnes fermè illas sententias ob-  
jici solent, 1. Non licet consulere usuram pro vi-  
tanda occidente captivi, uti habetur Cap. *super eo*,  
de usuris, ergo non licet ullo modo consulere  
minus peccatum, etiam pro vitando majori. R. N.  
cons., non sunt facienda mala, ut eveniant bona,  
ideo nemo debet committere usuram pro redi-  
menda alterius vita: si autem aliquis statuisset oc-  
cidere & usuram committere, licitum esset ipsi  
suadere solam usuram.

2. Ille suadens etiam indeterminate furtum,  
est reipsa moralis causa damni. R. N. Ass., nam est  
causa melioris fortunæ unius; damnum autem  
alterius non causat, sed tantum permittit, cùm  
impedire non possit utrumque.

3. Qui exequitur minus malum, peccat, ergo  
etiam qui consulit. R. N. Cons., qui exequitur,  
potest & debet utrumque omittere; qui consulit  
minus, neutrum vellet, sed vult impedire majus,  
quod non potest nisi per minus.

4. Non licet petere, quod alter non potest li-  
cite facere. R. Non licet petere absolute. C., sub  
conditione, si unum è duobus sit faciendum. N.

232 Q. 64. *An nunquam sit mortale inducere aliquem*  
*ad veniale.* R. §. 1. Ordinariè non est mortale,  
licet quis etiam vi vel fraude inducat, directè in-  
tendens hoc spirituale ejus damnum, ita *Sanch. in*

*Dec.*

Dec. I. 1. c. 6. n. 10. Arr. de peccatis d. 44. n. 22.  
 Lug. de Just., d. 9. n. 18. Haun. t. 2. n. 723. Bonacsp. de pecc. d. 8. n. 54. aliisque communiter contra Vasq. Con. Platel. p. 2. n. 185. & alios. Probatur, quia hoc malum censetur leve, cum sit facilè reparabile, & venialia omnia regulariter vitari non possint; unde inductus etiam non censetur graviter invitus.

§. 2. Duo opponi solent; 1. Quod veniale in se 233  
 sit gravius malum, quam quodvis malum temporale, ergo si peccet mortaliter, qui vult alteri mortem corporis, multò magis qui vult illi veniale. R. N. Conf., quia nihilominus veniale est in genere suo quid leve, ideoque possum mihi velle veniale nec ideo pecco mortaliter, licet si vellem mihi mortem, quæ minus malum est quam veniale, peccarem mortaliter. Quod si argumentum illud valeret, non posset dari veniale in detractione, quia fama in genere suo est majus bonum quam omnes divitiae, & consequenter si cuti mortaliter peccat, qui tollit magnas divitias, ita peccaret mortaliter, qui auferret alteri quemcunque gradum famæ: hinc recte dicit Castrop. t. 6. d. 6. p. 2. debere in quovis genere boni vel mali creati dari aliquid, quod simpliciter sit leve; esse autem leve inde colligitur, si sit facilè amissibile vel reparabile: hoc ipsum innuit ipsemet Platel. n. 184., ubi docet gravius peccare eum, qui occidit fœminam, quam qui illam inducit ad fornicationem, quia licet peccatum fornicationis sit malum superioris ordinis & gravius, quam mors corporis, tamen est magis reparabile & magis voluntarium fœminæ, quæ absolutè potest non consentire.

N

2. Pec-

234 2. Peccato veniali responder pœna ignis purgatorii ad minimum per horam , sed aliquem conhicere in ignem ad horam est grave , quia est meritò graviter contristativum, ergo. Aliquem conhicere in ignem ad horam est grave , si quis directè intendat , vel hoc causet proximè & principaliter , Trans. , si indirectè tantum & remotè , neque ut causa principalis , N. Peccato veniali respondet pœna purgatorii , in quantum est offensa Dei saltem secundùm quid; inducens autem ad veniale non intendit directè ut offensam Dei , uti suppono , ergo nec intendit ut est causativum talis pœnæ : Deinde pœna illa non respondet proximè veniali facto , sed illi facto & non expiato , qualiter expiare erat peccanti facile : denique pœna illa respondet malitiæ peccati venialis , quæ principaliter est à voluntate peccantis ; neque tamen inde sequitur quod ipse peccans ideo peccet graviter , nam illam pœnam sibi vult , non absolute & fine causa , sed ut justè taxatam à Deo , ex suppositione venialis commissi .

235 §. 3. Si quis veniale alterius intenderet ex odio Dei , certum est peccaturum mortaliter , quia in odio Dei non datur parvitas materia : sed supposito quod tantum intendat ex quodam odio proximi , adhuc peccari potest mortaliter in quibusdam casibus , v. g. si quis Religiosum valde perfectioni deditum vi aut dolo induceret ad peccatum veniale deliberatum , ex intentione hujus damni spiritualis , rectè docet Lug. n. 20. fore mortale , quia veniale deliberatum respectu illius censeretur damnū grave spirituale , eò quod non soleat in illud labi , & nunc per illud dejiciatur de excellenti gradu perfectionis , in quo erat . Nec obstat quod homo quantumcumque sanctus

sanc*tus peccet tantum venialiter, si velit sibi veniale, ergo etiam tantum venialiter peccabit, qui eum inducit ad veniale.* R. N. cons., si homo peccet, peccat volens, è contrà talis homo est graviter invitus ad ejusmodi vim vel dolum: si cuti potest quis sine mortali suas pecunias projicere in flumen, est tamen graviter invitus, se vi aut dolo ad hoc adduci. Occasione inductionis ad veniale hæc subjicit *Lugo, capeant ergo, qui juvenes puros & integræ vitæ trahunt dolosè ad colloquia vana & impura, quæ licet aliquando mala sint venialiter, hoc tamen ipsum est grave nocumentum, quod illis in eo statu & vitæ puritatem infertur.*

Q. 65. *Quomodo peccent pingentes vel exponentes imagines obscenæs.* R. Pingentes vel exponentes imagines planè obscenæs peccant mortaliter, uti docent Auctores plurimi cum Dian. p. 11.t.4. R. 32. Ratio est quia talis imago magis movet ad malum, quam sermo obscenus, & tamen certum est per sermonem obscenum dari grave scandalum. Infert Dian. eos, qui retinent ejusmodi imagines palam, & saltem non cooperiunt, etiam peccare mortaliter, & est eadem ratio. Nec obstat, usus communis, vel quod ars sic ostendatur, nam usus ille est pessimus abusus; ars autem, quæ ad bonum Reipublicæ esse debet, per hoc perdit finem artis, quia fit perniciosissima, ideoque à numero artium, quo-ad illam partem, esset expungenda.

Q. 66. *Quid de turpibus comœdiis sit dicendum.* R. De his videri potest comœdio-crisis, sive theatrum Hieronymi Florentinii, in quo ostendit originem comœdiarum; deinde adducit sententias Patrum contra eas; postmodum judicia Docto-